

MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 4 February, 2015 (A)

Transaksi patut tulus, tak mudaratkan pemegang saham



RITA BENOV
BUSHON

Bursa Malaysia telah mengumumkan beberapa pindaan kepada Keperluan Penyenaraiannya berkuat kuasa 27 Januari lalu dan selebihnya akan berkuat kuasa pada 1 Julai ini.

Bursa Malaysia percaya sudah tiba masanya untuk meliberalisasi sesetengah keperluan penyenaraian berikut tahap budaya tadbir urus korporat yang semakin meningkat di Malaysia.

Namun, kami ingin menekan bahawa perlindungan pelabur adalah peranan utama bursa dan tidak boleh dikompromi.

Antara pindaan penting adalah berkenaan Transaksi Pihak Berkaitan (Related Party Transactions). Kami mengambil perhatian bahawa had nilai transaksi pihak berkaitan telah dinaikkan selaras dengan materialiti.

Antara had nilai penting yang dinaikkan adalah berkaitan pengarah yang sama, daripada 1 peratus kepada 5 peratus, manakala bagi transaksi membabitkan syarikat sasaran dan juga pihak lain yang berkaitan, had itu

telah dinaikkan daripada 5 peratus kepada 10 peratus.

Kami percaya peningkatan had nilai ini akan memberi lebih penekanan kepada peranan pengarah yang tidak berkepentingan, terutamanya pengarah bebas yang menjadi benteng pertahanan pertama syarikat.

Memandangkan kebanyakkan transaksi pihak berkaitan kini akan berada di bawah bidang kuasa lembaga pengarah, tanggung jawab mereka bagi memastikan bahawa transaksi tersebut dilakukan secara tulus dan tidak memudaratkan pemegang saham yang tidak berkepentingan termasuklah pemegang saham minoriti akan menjadi sangat penting.

Timbul keimbangan

Penyenaraian syarikat asing di Bursa Malaysia yang menjadi perkara yang menimbulkan keimbangan sebelum ini kini mempunyai keperluan yang lebih ketat bagi memastikan kesinambungan penyenaraian.

Ini termasuk keperluan mempunyai sekurang-

kurangnya dua pengarah bebas yang bermastautin di Malaysia, di mana salah seorang daripadanya perlu menjadi ahli jawatankuasa audit.

Selain itu, juruaudit luar yang dilantik juga perlu mempunyai hubungan gabungan dengan firma antarabangsa dan diiktiraf oleh Lembaga Pemantauan Audit (Audit Oversight Board).

Pelantikan dan penyingkirkan juruaudit luar kini memerlukan kelulusan terlebih dahulu daripada pemegang saham.

Kami memandang positif mengenai perkara ini.

Kami juga memandang positif keperluan bagi syarikat yang ingin melaksanakan cadangan pelupusan yang besar untuk melakukan penilaian asetnya sekeranya peratusan harta tanah dalam syarikat adalah yang besar.



Penulis

ialah Ketua Eksekutif Badan Pengawas Pemegang Saham Minoriti (MSWG)